

**Razvojna banka Federacije
Bosne i Hercegovine
Predsjednik Uprave**

Broj: 3004-III/26
Sarajevo, 17.03.2026. godine

Na osnovu člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine, Pravilnika o izmjeni Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 1534-II/25 od 10.02.2025. godine, a u vezi odredbi člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24) i preporuke Komisije za nabavke iz Zapisnika o pregledu i ocjeni ponuda broj: 2750-1-XII/26 od 12.03.2026. godine, Predsjednik Uprave Razvojne banke Federacije BiH donosi

ODLUKU

**o izboru najpovoljnijeg ponuđača u postupku javne nabavke
usluga korištenja interneta za potrebe Razvojne banke Federacije BiH -
LOT 1: Usluge korištenja interneta za centralu Banke u Sarajevu i
poslovnice Banke: Bihać, Tuzla i Goražde**

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 2750-1-XII/26 od 12.03.2026. godine i okvirni sporazum za nabavku usluga za LOT 1: Usluge korištenja interneta za centralu Banke u Sarajevu i poslovnice Banke: Bihać, Tuzla i Goražde, dodjeljuje se ponuđaču "BH Telecom" d.d. Sarajevo, ul. Franca Lehara 7, 71000 Sarajevo, kao najpovoljnijem ponuđaču putem otvorenog postupka javne nabavke.

Član 2.

Nakon isteka roka za žalbu, okvirni sporazum će se zaključiti sa izabranim ponuđačem na procijenjenu vrijednost nabavke u iznosu od 25.000,00 KM bez PDV-a, prema fiksnim jediničnim cijenama iz obrasca za cijenu ponude, na period od 12 (dvanaest) mjeseci, u skladu sa uslovima i kriterijima utvrđenim u obavještenju o nabavci i tenderskoj dokumentaciji.

Član 3.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu Odluku na svojoj web stranici www.rbfbih.ba, istovremeno s upućivanjem iste ponuđaču koji je sudjelovao u ovom postupku.

Član 4.

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj: 1532-III/26 od 11.02.2026. godine, pokrenut je postupak javne nabavke usluga korištenja interneta za potrebe Razvojne banke Federacije BiH. Javna nabavka je provedena putem otvorenog postupka i podijeljena je na 2 (dva) lota.

Kriterij za dodjelu ugovora je najniža cijena.

Ukupna procijenjena vrijednost javne nabavke iznosi 40.000,00 KM bez PDV-a, podijeljena na sljedeće lotove:

- LOT 1: Usluge korištenja interneta za centralu Banke u Sarajevu i poslovnice Banke: Bihać, Tuzla i Goražde (25.000,00 KM bez PDV-a),
- LOT 2: Usluge korištenja interneta za poslovnice Banke: Mostar i Orašje (15.000,00 KM bez PDV-a).

Obavještenje o nabavci predmetne usluge objavljeno je na Portalu javnih nabavki dana 13.02.2026. godine, broj obavještenja: 1011-1-2-32-3-33/26 (objava u „Službenom glasniku BiH“ broj: 13/26 od 20.02.2026. godine).

Tenderska dokumentacija objavljena je zajedno sa navedenim obavještenjem na Portalu javnih nabavki.

Odlukom v.d. Predsjednika Uprave Razvojne banke Federacije BiH o imenovanju Komisije za nabavke Razvojne banke Federacije BiH broj 1763-III/25 od 14.02.2025. godine, Odlukom o izmjeni Odluke o imenovanju Komisije za javne nabavke Razvojne banke Federacije Bosne i Hercegovine broj 7310-III/25 od 30.06.2025. godine i Odlukom o izmjeni Odluke o imenovanju Komisije za javne nabavke Razvojne banke Federacije Bosne i Hercegovine broj 8818-III/25 od 12.08.2025. godine, imenovana je Komisija za nabavke Razvojne banke Federacije Bosne i Hercegovine, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke je u okviru svojih nadležnosti i ovlaštenja provela predmetni postupak javne nabavke, te saglasno članu 65. Zakona o javnim nabavkama, sačinila Zapisnik o pregledu i ocjeni ponuda broj: 2750-1-XII/26 od 12.03.2026. godine za LOT 1: Usluge korištenja interneta za centralu Banke u Sarajevu i poslovnice Banke: Bihać, Tuzla i Goražde, u kojem je utvrđeno da je pravovremeno pristigla 1 (jedna) ponuda i to od ponuđača "BH Telecom" d.d. Sarajevo, ul. Franca Lehara 7, 71000 Sarajevo.

Na osnovu izvršene analize i ocjene pristigle ponude, Komisija je utvrdila da je dostavljena ponuda prihvatljiva, dostavljeni su svi traženi dokazi propisani tenderskom dokumentacijom i na način propisan tenderskom dokumentacijom.

S obzirom da je tačkom 23. tenderske dokumentacije predviđeno zakazivanje e-aukcije, a da je za predmetnu nabavku zaprimljena samo jedna prihvatljiva ponuda, u skladu sa članom 4. stav (2) Pravilnika o uslovima i načinu korištenja e-aukcije (Službeni glasnik BiH, broj: 80/23), nije se mogla zakazati e-aukcija i postupak se okončava u skladu sa članom 69. Zakona o javnim nabavkama ("Službeni glasnik BiH", broj: 39/14, 59/22 i 50/24).

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude u skladu sa kriterijima iz tenderske dokumentacije.

S obzirom da je ponuda ponuđača „BH Telecom” d.d. Sarajevo u iznosu 16.094,88 KM bez PDV-a, prema kriteriju za izbor ponude (najniža cijena) ocijenjena prihvatljivom, te da ispunjava sve uslove i zahtjeve predviđene ovim otvorenim postupkom javne nabavke, sa navedenim ponuđačem će se zaključiti okvirni sporazum na iznos procijenjene vrijednosti nabavke od 25.000,00 KM bez PDV-a, prema fiksnim jediničnim cijenama iz obrasca za cijenu ponude, na period od 12 (dvanaest) mjeseci ili do gornjeg praga vrijednosti do kojeg okvirni sporazum pojedinačnim ugovorima unutar okvirnog sporazuma može biti iscrpljen/iskorišten, odnosno do ispunjenja iznosa procijenjene vrijednosti nabavke za LOT 1, zavisno koji se kriterijum prvi ispuni.

Imajući u vidu sve prethodno navedeno, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97., 99. i 101. Zakona o javnim nabavkama ("Službeni glasnik BiH", broj: 39/14, 59/22 i 50/24). Žalba se podnosi u najmanje 3 (tri) primjerka.

Dostaviti:
- Učesniku u postupku.

Predsjednik Uprave
Borislav Trlin

